

SUMMER SPORTS'

Dt. 17-20.06.14 hian phai lama Mizo Zirlai, state hrang hrang a awmte intawhkhawmna lian ber Summer Sports' 2014 chu neih tur a ni a. Ni 17 & 18 hi Lammual lama hman tur niin, ni 19 & 20 erawh chu Hawla Indoor Stadium-ah neih a ni ang a. Tin, lawmman semna hun chu Chanmari YMA hall-ah neih tur a ruahman a ni.

He Summer Sports' neih turah hian keini Kolkata Mizo Students' pawh tel ve ngai turin a inruahman a, member chawlh hmanga haw mek te leh member hlui te theihtawpa KMS tana thawk chhuak turin KMS chuan min ngenin, min beisei tlat a ni.

He Sports' hi kum dangah pawh neih a ni tawh thin a. Amaherawhchu, member chawlh hman te'n kan ngai pawimawh taw lo deuh nge mawni tihtur khawpin kan intawiwawm tha lo thin a. Kuminah erawh KMS chu KMS kan ni a, phai lama zirlai pawl hrang hrang

awm zingah chuan kan lian ber a, kan Pawl hi a tha ber a ni tih lantir tum ila, theihtawpin intawiwawm theuh ang u.

He Summer Sports' neih turah hian KMS Exe. Committee chuan Lalmuanpuia Chhange, F.Lalrinchhana, K.Zohmingliani leh Lalmuansanga te chu in-charge atan a ruat a. Sports' a tel turte chu an ni hnenah in report nise a lawmawm ang.

He Sports' a hlawhtlin a, KMS kan hmingthat theihna tur chu member chawlh hman a Mizorama awmte mai bakah, member hlui te chungah a in ngat.

Lawmpuina

Kolkata Mizo Students' member zingah Class X leh Class XII result chhuakah hlawhtlinna chang tam tak an awm a. Heng kan member-te hi KMS chuan kan chhungin, kan lawmpui tak zet a ni.

Lalrinsangi d/o Talo Rosanga (Dist.)

Lalliansangi d/o Lalnunsanga (Dist.)

Lalrinpari d/o Lalrinawma (Dist.)

Lalliansangi d/o Lalnuntluanga Khawlhing (Dist.)

Laltluangpuii d/o J.Sangkhuma (1st Div.)

Amy Lalmawipuii d/o Peter Lalchhuanawma (1st Div.)

Christina Hnamte d/o Major Lalramliana Hnamte (1st Div.)

Lalhruiatluanga (1st Div.)

(*Ulhun hnuaiyah chhunzawm a ni*)

Lucky Ticket & T-Shirt

KMS in Lucky Ticket a siam chu zawrh mek zel a ni a, KMS Executive Committee member leh Social & Cultural Sub-Committee member-te hnenah engtiklai pawhin lei theih reng a ni. Aman hi Rs. 20 chauh a ni e.

Tin, KMS t-shirt pawh lei tur tlem a la awm a, siam tam a nih loh avangin chan loh palh theih a nih avangin a ranglama KMS Executive Committee in zuar tura a ruatte hnenah ngaihven vat chi a ni e.

Lucky Ticket leh KMS t-shirt hi KMS in KMS sum hmuhna pakhat atana a siam a ni a. Member-te'n KMS thatna tur a ni tih hria a, keimahni tan vek a ni tih hre reng chung leh KMS tana kan tih theih pawimawh tak a ni tih hriain, lei theuh i tum ang u.

Tualchhung...

Tunlai hian kan member thenkhat exam zo tawh te, exam nei mek leh exam hmabak la nei tam tak an awm a. Hlawhtlinna tha tak an chan theuh theihnan duhsakna kan hlan e.

Kan member thenkhat mahni inlama haw mek te an awm a, damtlang taka helai hmun an lo thlen leh theihna turin duhsakna kan hlan e. Thenkhat erawh haw hlen tur an ni tawh a, KMS chuan kan ngaiin, kan ui dawn hle a, an thiltihna kawng engkimah hlawhtlinna an hmuh theihna turin duhsakna kan hlan e.

Tunlai hian kan member zingah harsatna leh buaina em em taw lo niin kan hria a, a lawmawm tak zet a ni.

Kan khawtlang sik leh sa boruak pawhin ziaawm lam a pan mek zel dawn niin a lang a, hetiang boruak inthlak lai vel hian tlang hri leng natna kai a awl thin avangin mitin te i fimkhu theuh ang u.

Tunlai hian Kolkata a admission zawngin kan mizo puite an rawn kal nasa hle a. Member tin te'n theihtawpin kan lo puih a tul hle a ni. Tin, keini'n puih ngaihna kan hre lo a nih pawhin kan hruaitute kawhmmuh nachang i hre thin ang u.

Tin, KMS website lamah admission chungchang en tur a awm reng baw k e.

**Hlawhtlinna chu
tih hram hramna atanga
awm a ni.**



Estd. May, 2004

Editor : Lalanzova Darngawn
 Joint Editors : Lalruatkima
 : Vanlalpeki Ralte
 : Vanlalhuma
 Patron : Alex Rosangluaia
 Contact : 8420509618 / 9831106143



Enkawltu Kamliam

ZO

Awle tun tum chu ngaihtuahna ti sei tu atan 'Zo' kan hman dan leh kan ngaihdan hi a dik chiah em ilo sawi dawn teh ang.

'Zo' kan han tih hian thing tak, tunlai khawvel changkang tak nena in rem tawh lo hi kan rilruah a awm ngei in a rinawm. I thiam lohna pakhat mah a awm lo mahse 'Zo' tih ri kan hriat rual a kan rilrua lo awm hi 'Zo' ti a kan pi leh pu te'n an lo hman dan thin nen khan a in rem ang em tih erawh kan chhut chian a tul hle in ka hria. 'Zo' tih hi Zohnahtlak tih thumal atanga kan lak a ni ngei in a rinawm a, a lo nih ngat phei chuan kan hman dan nen a in persan hle dawn a ni tih kan lakna atang hian a hriat theih nghal mai awm e. Lo ni lo ta pawh nise thing sawi nan a hman tur chu a nih a rinawm loh.

Zoram kohhran Thalai pawl te'n in tih hlim nan leh member-te in pawh tawn na'n ti in 'Zo zan' an hmang thin a, a tha khawp mai mahse he zan kan hman dan erawh ngaihtuah chian a tul hle in ka hria. 'Zo zan' kan hman dawn chuan a thing thei ang ber leh a hmanlai thei ang berin kan in chei a. A dik lo chu ka ti hauh lo 'Zo' kan lo ngaihdan kha a ni tlat si a. A hmanlai thei ang ber a in chei kha ka sawiselin inchei loh tur ka tihna a ni lo a, kan in cheina ringawtah kan duhtawk erawh hi chu tha ka ti lo. 'Zo' in a ken tel tlawmngaihna, aia upa zahna leh taimaknate hi 'Zo zan' kan hman zan khan han in zirtirin in fuih nan hmang ta ila kan va han hlawk tlang dawn tak em! Chhiat tawk an awm nikhua a thlan lai tu tur tlangval in hmu zo lo, hlawhfa ruaih ngai ta hial veng kan awm ta mai te hi kan in ngaihtuah chian a, zonun zemawi kan in zirtir thar a tul tawh zia a ti lang Chiang hle in ka hria.

Thalai tam tak engmah thawh chhuah pawh nei lo, nu leh pa eiruk atanga nalh tak tak leh class tak tak a in chei te'n an thalai pui an duh leh mamawh an neih theih nan a thawh hreh nei hauh lo, an thawh chhuah milh a inchei an hmuh chang leh an kal pelh chang a 'Kha pa kha a van han Zo tak' an tih khum tih thu han hriat te hian ka rilru hi a lo na vawng vawng thin. 'Zo' tih hi thing leh hmanlai sawina atan kan hmang a nih chuan kan hnam Mizo ngei pawh hi thing kan ti tihna a ni dawn si a churang chuan 'Zo' tih hi thing sawina a ni lo a ni tih hi pawm tlang ila a va han tha dawn tak em!

Zirna Huang...

Cyber Crime

- K. Zohmingliani

(Issue hmasa chhonzawmna)

2) Danin a phut anga computer system, programme leh network vawnhim ngai a nih a, chu chu miin hre reng chung a lo thuhruk te a lo tihchhiat a, a lo tidanglam a nih chuan lung inah kum thum tan tir a cheng Nuai hnih thleng pawisa chawi tir a hrem kawp theih a ni. (Sec.65)

3) Miin computer leh a kaihnawih thiamna kaltlanga SMS mawi lo tak tak belhchian dawlo a ni tih hre reng chung a midang vau leh ti thlabar a, harsatna engemaw thlen thei tur khawp a video, thlalak leh audio huam telin a thawn chuan kum thum tan tir leh pawisa chawi tira hrem theih a ni. (Sec.66A)

He Sec. 66A hnuai a dan bawhchhiatna chungchangah complaint emaw a awm chuan Superintendent of Police emaw Deputy Commissioner emaw Inspector General of Police hnen atanga pawmpuina lak hmasak a nih loh chuan Police in mi tumah an man tur a ni lo.

4) Computer leh a kaihnawih thil chu miin ruk a ni tih ringhlel reng chung a lei a nih chuan kum thum thleng tan tir emaw cheng Nuai khat chawi tira hrem kawp theih a ni. (Sec.66B)

5) Electronic signature emaw Password emaw leh hetiang kaihnawih diklo tak leh inbumna ang zawnga lo hman hi phal loh a ni a. Chutiang ti tu chu kum thum chhung tan tir theih a ni a, pawisa cheng Nuai khat lai chawitir a hrem theih a ni.

6) Mi tu pawh electronic hmanrua leh computer leh a kaihnawih hmanrua hmanga mi bumtu chu kum thum thleng tan tira pawisa cheng Nuai khat thleng chawi tira hrem theih a ni. (Sec.66D)

7) Tum reng vang leh hre reng chung a phalna la lova mi thlalak (private area) lak a thawn kual leh thehdarh hi kum thum chhung tan theihna miin pawisa cheng Nuai hnih pel lo thleng chawi tira hrem kawp theih a ni. (Sec.66E)

(Article hnuai a chhonzawm a ni...)

Article :

Hringnun zinkawng hi...

- Lalruatkima Mapuia

He khawvelah hian tap chungin kan lo piang a, kan khualzin kawng te zawh chhoin, lungngaihna leh buaina, hlimna tam takte kan zinkawngah kan tawng chho zel a, a tawpah chuan zinkawng zawh zovinkan kumhlun ram tur kan pan thin a ni.

Ni e, he khawvelah hian rei cham tur kan ni lo tih chu kan inhre vek awm e. Reilote rawn lang a, liam leh mai thin kan ni a. Hlobet par ang maia zinglama par a, tlai lama uai leh mai thin kan ni.

He hringnun hi kan khualzinna kawng a ni a, he khualzinna kawngah hian thenkhat chuan hlim reng tur emaw, nuam reng tur emaw kan inti thin. Hlimna leh lawmna chauh tawng tura kan inggaihlaian, harsatna leh manganna a lo thlen hian lungngaiin kan indawm kun a, hrethiam lovin kan buai leh fo thin. Hetiang kawngah hian he khualzin kawng zawh tute hian kan hriatthiam a ngai a, harsatna a lo thlen pawhin lungngai mai lovin kan insiamrem thei dawn a ni.

He khawvel hi kan duh dan ang diak diak a inher tur leh hlimna min thlen reng turah ngaiin, thalai tam tak chuan kan khualzin kawng hi kan zawh a. Harsatna leh manganna a lo thlenin hrethiam lovin kan indawm kun a, engtikah mah par chhuak leh tawh lo tura inggaihna neiin, nun hial tihtawp duhna an lo neih phah thin a ni.

A tawp berah chuan heihi kan hriat reng ka duh khawp mai- He khawvel, kan khualzinna hian kan duh dan ang ang min her pui kan beisei lai hian, he khawvel zau zia hi ngaihtuah ila... He khawvelah hian hlim reng tura kan indah lai hian he khawvela mihring dang tamzia hi i hre thar leh ila. Hun tha leh hlimawm kan tana a lo inherchhuah hun hi nghak thiam hram ang u.

8) India ram inpumkhatna te, inunauna leh ram venhimna tichhe thei tur zawng emaw, mipui hruai khawlo thei ang zawnga chet laknate, dan ang thlapa miin computer leh a kaihhnawih thiamna an hmang tur lo tikhkhailaksak emaw, dan phal baka computer leh a kaihhnawih lo hman sual emaw thil bawlhhlawh siam a, midangte thih phah hialna tur leh hliampui tawrtir thei tur khawp thil paw nghawng chhuak thei tur leh nunphung chaw buai vek thei tur ang zawnga chet lakna hi **Cyber Terrorism** tih a ni. Chubakah, chutiang a computer leh a kaihhnawih thiamna hman sual chuan ram leh hnam venhimna leh inunauna nghawng chhe thei anih baw chuan Cyber Terrorism tih a ni baw a. Chutiang pawikhawih tute chu dam chung lungin tang tura hrem thei a ni. (Sec.66F)

9) Electronic kaltlanga tawngkam mawilo leh zahmawh rawngkai mit leh beng a hriat thei tur ang zawng a thu thawn a; midang te vehthlem leh a lo dawngsawngtute tikhawlo thei tur zawng a chutiang thil bawlhhlawh thawntute chu vawikhat pawikhawihnaah kum thum thleng tan tir leh cheng nuai nga thleng chawitir thei ani a, a vawihnihaah chuan kum nga thleng tan tir leh cheng nuai sawm chawitir thei a ni. (Sec.67)

10) Mi tupawhin computer leh a kaihhnawih thiamna hmanga mipat hmeichhiatna kaihhnawih a puanzar emaw , a thawn darh emaw chutiang chu midang a tih tir emaw chuan chutiang titu chu vawikhat pawikhawihnaah kum nga

(*zirna huang chhunzawmna*)

thleng tantir theih niin cheng nuai sawm chawitir theih a ni baw, a vawihnihaah phe chuan kum sarit tan tir theih niin cheng nuai sawm chawitir theih a ni baw. (Sec.67A)

11) Computer leh a kaihhnawih thiamna hmanga mipat hmeichhiatna lam hawi zawng a naupang (kum 18 la tlinglo) cheibawl/tarlan hi khap tlat a ni a, chutiang zawnga lo pho lante, chutiang lam hawi thlalak lakhawm leh download-te hi phal a ni lova, chutiang titu chu vawikhat pawikhawihnaah kum nga thleng tan tir theih niin nuai sawm thleng chawitir theih a ni a, a vawihnihaah phe chuan kum sarit thleng tantir theih niin cheng nuai sawm thleng chawitir theih a ni. (Sec.67B).

Tunlaiin SMS, Facebook, Whatsapp leh adang tam tak hmangin kan inbia a, voice message leh video te'n kan awmhmun azirin awlsam takin kan in thawn thei tawh a; awlsam leh zuala pawikhawih theihna a thleng thei baw a ni. Kan awmna hmun atangin cheng tam tak chaw theih turin paw nasa tak kan khawih thei a, kan thil thawnte a dawngtute duhlo tur a ni tih hre reng chungin kan thawn lui a, hei hi kan tih lo tawp tur a ni. Tin, tunlaiin mitthi thlalak hrang hrang te a darh chak nasa tawh em em a postmortem-na thlalak te pawh kan thedarh chuai chuai tawh a; hei hi kan tih loh tawp tur, thil paw tak a ni a, mitthi chhungten intihmingchhiatna (defamation) case hial an pu lut thei tih hriat a tha.

Sports.....

Didika

India international leh East Bengal midfielder, Didika chuan a nak ruh bo a hmu ta a. Dt.05.06.14 khan Vanlalruati Renthlei, Luangmual;Aizawl chu "tiam tlat e.." a tih pui ta. Nupa tuak thar te duhsakna **Chualo** chuan kan hlan e.

World Cup

World Cup a League hrang hrang atanga player thawh hnem panga te:

1. **Barclays' Premier League** = 105
2. **Serie A** = 81
3. **Bundesliga** = 73
4. **La Liga** = 62
5. **Ligue 1** = 47

Club in players a thawh dan (top three)

1. **Bayern Munich** - 15
2. **Manchester United** -14
3. **Barcelona** -13

World Cup champion tam ram pathum te:

1. **Brazil** -5
2. **Italy** -4
3. **Germany** -3

Kumin 2014 World Cup-ah hian team tin te kum chawhrualin **Argentina** chu team upa ber an ni a, an kum chawhrualin 28.336 yrs. an ni a. **Belgium** chu naupang ber niin, an team kum chawhrual hi 25.241 yrs. an ni.

Kumin World Cup-ah hian tuilet hnua a world cup a goal thun tam ber record thar kan hmuh dawn leh dawn loh chu Pa chauh lo chuan a hre lo. German striker Miroslav Klose chuan goal 2 a thun chuan Brazilian Striker ropui Ronaldo Luís Nazário de Lima (Ronaldo Lukawlha tia kan hriat lar thin) record khumin World Cup history a goal khung hnem ber a ni ang.

Kumin World Cup hi a thlengtu Brazil hian an vawihnih thlenna tur a ni a, Dt. 24.06.1950- 16-07.1950 khan an lo thleng tawh bawka ni.

Kumin World Cup-ah hian a vawikhatna atan goal leh goal lo endiktu atan Goal line technology an hmang dawn a ni.

Match 64 khelh tur a ni anga, heng match hi Brazil khawpui 12-ah an khel kual dawn a ni.

World Cup history-a Player upa ber chu Cameroon player Roger Milla niin, kum 42 leh thla khat leh ni 8 a upa nihin The Greatest Show on Earth an tih FIFA World Cup hi a khel a ni. Player Naupang ber chu England player Norman Whiteside a ni a, he England player hian kum 17 leh thla 1 leh ni 10 a nihin World Cup-ah England ram aiawhin a khel thei a ni.

***The Greatest Show On Earth, FIFA World Cup
2014 en nuam vek ule...***

Ulbun.....

Mizoram lama ka haw chho chu ka discipline a han chhe em em ringawt mai.

- **Mr. President**

Min kal san dawn ta emaw ka lo ti hman a..... :D

- **Gerald**

House-ah xerox ka hmu..

- **Editor**

Candy Crush lives min rawn send ngun deuh hi chu ka hmu hmetha vek zel.

- **Rsi @ Quest Street**

Thianpa in a ti tawh bawka sia, kan ti ve tawh mai dawn mi?

- **Temami**

Zairawl Bass sa tur hi chuan ka in ring tawka ve em.....!!

- **Sarana @ SA Boys'**

Broker number duh tan dil theih reng ka ni e.

- **Dumdumtea Nu**

Tunlai chu CMCS Thalaiah ka thu ber.

- **Opi @ Nurse**

Miss Mizoram atan chuan ka iai awm loh mawle.

- **Angie Khawhring**

Sakhmel tawna ka tuanna tlang atang hian in ka lo haw thuai dawn.....

- **Rinawmi**

lawmpuina chhunzawmna

Vanlalrintluanga s/o Rev. Zochhuanmawia (1st Div.)

Brian Vanlalrinawma (1st Div.)

Rebecca Hnamte d/o Major Lalramliana Hnamte (2nd Div.)

Vanlalremruati Fanai (2nd Div.)

Benjamin Lalrinawma

Heng mite hi **Chualo** in kan member zinga hlawhtlinna chang kan hriattheih te an ni a. Tihsual leh tihmaih palh kan nei a nih chuan hriatthiamna kan dil a. Issue leh a kan chhuah theihna turin min hrih hre turin kan inngen e.

Kan member exam pass zawngte an kal zelna turah duhsakna sangber **Chualo** Editorial Board chuan kan hlan e.